

et quatenus sunt externa, collegarum oculis subiici debent; si hoc, causae irrelevantiae cum responsione producentis ad eas recensentur diiudicenturque ex defectu vis probandi vel in relatione ad productum, vel in relatione ad articulum, cuius probatio per documentum intenditur; quoad 5) admissibilitas iuramenti delationis negatur vel ob praetensam desertionem, quo casu obtinet, quod ad 1) suppeditauimus, vel ob irrelevantiam articuli, de quo ad 6) sumus dicturi, vel quia probationi directo contraria, quo casu cum probatione debent conferri articuli reprobatorii, quorum intuitu iuramentum delatum etc. admissibilitas relationis iuramenti dependet ex qualitate facti controuersi, vtrum nimirum relaturi sit proprium, nec ne? si enim prius, relatio locum non habet, secus si factum sit commune vel alienum; probatio pro exoneranda conscientia vix vnquam denegatur; quoad 6) praelegat articulum eumque conferat cum themate probando, quod aut ex libello et litis contestatione, aut ex exceptione quadam peremptoria actorisque replica ad eam eliciendum, qua vero in re nimia euitetur scrupulositas, quanquam scrupulosiorem intuitu articulorum alterius conscientiae commissorum, quam reliquorum, esse liceat; quoad 7) itidem praelegat interrogatoria ob irrelevantiam in dubium vocata et articulos, in quorum illa illustrationem confecta,

quo